


397  
02/22



REPUBLIKA E KOSOVËS / REPUBLIKA KOSOVA

Kom.Dh.Shk.II.nr.47/2023

**GJYKATA KOMERCIALE E KOSOVËS – DHOMA E SHKALLËS SË DYTË**, në kolegjin e përbërë nga gjyqtarët Faton Bajrami, kryetar i kolegjit, Saranda Bogaj – Sheremeti dhe Ramush Bardiqi, anëtare të kolegjit, në çështjen juridike - konfliktin administrativ sipas propozuesit – paditesit “Meditech” Sh.p.k, me seli në Graçanicë, me numër unik identifikues 810828270, të cilën sipas autorizimit e përfaqëson Shoqëria e Avokatëve ‘RPHS Law’, me seli në Prishtinë, kundër kundërshtares së propozimit - të paditurës Organi Shqyrtues i Prokurimit me seli në Prishtinë, rr. Migjeni, për shkak të anulimit të vendimit PSH. nr. 397, 409/22 të datës 11.10.2022 i nxjerre nga OSHP dhe kërkesës për shtyrje të ekzekutimit të vendimit, duke vendosur lidhur me ankesën e paditësit – Propozuesit kundër aktvendimit të gjykatës Komerciale të Kosovës shkallës së dytë - Departamenti për Çështje Administrative KA.nr.1386/22 të datës 14.12.2022, në seancën e kolegjit të mbajtur 02.02.2023, mori këtë:

### A K T V E N D I M

**REFUZOHET** si e pabazuar ankesa e paditësit – propozuesit ‘Meditech’ Sh.p.k., ndërsa aktvendimi i të Gjykatës Komerciale të Kosovës– Dhoma e shkallës së parë - Departamenti për Çështje Administrative KA.nr.1386/22, të datës 14.12.2022, **VËRTETOHET**.

### A r s y e t i m i

Me aktvendimin e të Gjykatës Komerciale - Departamenti për Çështje Administrative KA.nr.1386/2022, të datës 14.12.2022, është refuzuar propozimi i paditësit – propozuesit paditësit “Meditech” Sh.p.k, për shtyrjen e ekzekutimit të vendimit, PSH. nr. 397, 409/22 të datës 11.10.2022, të nxjerr nga Organi Shqyrtues i Prokurimit.

Kundër aktvendimit të Gjykatës Komerciale - Dhoma e Shkallës së Parë - Departamenti për Çështje Administrative ka ushtruar ankesë i autorizuari paditëses – propozuesit “Meditech” shpk me seli në Graçanicë, për shkak të shkeljeve esenciale të dispozitave Ligjore, vërtetimit të gabuar të gjendjes faktike si dhe zbatimit të gabuar të drejtës materiale me propozim që gjykata e shkallës së dytë ta prish aktvendimin e goditur me ankesë dhe lëndën t’ia kthejë gjykatës së shkallës së parë për rivendosje.



Kolegji i Gjykatës Komerciale e Kosovës - Dhoma e shkallës së dytë, shqyrtoi shkresat e lëndës, dhe pas vlerësimit të aktvendimit të kundërshtuar në pajtim me nenin 194 të Ligjit mbi Procedurën Kontestimore (LPK), të aplikueshëm sipas nenit 63 të Ligjit për konfliktin administrativ (LKA), ka gjetur se:

Ankesa është e pabazuar.

Duke shqyrtuar shkresat e lëndës, aktvendimin e kundërshtuar sipas ankesës së propozuesit – paditëses, kolegji i kësaj gjykate, gjen se gjykata e shkallës së parë, pas shqyrtimit të propozimit të paditësit për shtyrje e ekzekutimit të vendim PSH.nr.394,409/22, datë 11.10.2022, të Organit Shqyrtues të Prokurimit me seli në Prishtinë, ka gjetur se propozimi i tillë është i pabazuar, ngase pretendimet e paditësit-propozuesit janë të paargumentuara me prova konkrete dhe si të tilla të pamjaftueshme dhe jo bindëse për të aprovuar kërkesën për shtyrje të ekzekutimit të vendimit të atakuar, duke ju referuar dispozitave ligjore të nenit 22 par.2 të Ligjit për Konfliktet Administrative (LKA).

Kolegji i Gjykatës Komerciale-Dhoma e shkallës së dytë, duke u nisur nga gjendja e tillë e çështjes, pranon në tërësi si të drejtë dhe të ligjshëm një konkludim të tillë të gjykatës së shkallës së parë ngase edhe sipas vlerësimit të kolegjit të kësaj gjykate, në rastin konkret rezulton se nuk janë plotësuar në mënyrë kumulative kushtet për shtyrjen e ekzekutimit të aktit administrativ të paraparë në nenin 22 par. 6 lidhur me par. 2 të Ligjit për Konfliktet Administrative, i cili përcakton se: “me kërkesë e paditësit, organi akt i të cilit ekzekutohet gjegjësisht organi që është kompetent për ekzekutim, mund ta shtyjë ekzekutimin deri në vendimin definitiv gjyqësor, nëse ekzekutimi do të sillte dëm paditësit, i cili vështirë do të riparohej, kurse shtyrja nuk është në kundërshtim me interesin publik, apo që shtyrja do të sjellte ndonjë dëm të madhe palës kundërshtare përkatësisht personit të interesuar”.

Gjykata e shkallës së parë, me rastin e vendosjes sipas propozimit të paditësit - propozuesit, ka gjetur se pala paditëse – propozuese nuk e ka bërë të besueshëm faktin se shtyrja e ekzekutimit të vendimit deri në vendosjen e çështjes në mënyrë meritore, nuk është në kundërshtim me interesin publik e as që do t'i sillte ndonjë dëm palës kundërshtare apo personave të interesuar, me saktë një vendim i tillë do të shmangte pasojat e mundshme që do të shkaktoheshin në të ardhmen nëse vendimi kundërshtar i të paditurës në fund të procesit gjyqësor eventualisht rezulton se është marrë në kundërshtim me Ligjin.

Gjykata e shkallës së parë në vendimin e saj, ka konstatuar se paditësja në pretendimet e saja nuk ka arsyetuar se të njëjtat janë të bazuara në Ligj dhe se në rastin konkret janë përmbushur kushtet Ligjore që të aprovohet propozimi për shtyrje të ekzekutimit të vendimit deri sa gjykata të vendos përfundimisht lidhur me ligjshmërinë e vendimit të kontestuar përkitazi me padinë e paditësit e në kuptim të nenit 22 të LKA-se.

Me që nga shkresat të cilat gjenden në lëndë rezulton se, me vendimin nr. PSH.nr.397,409/2022, datë 11.10.2022, të Organit Shqyrtues të Prokurimit, me seli në Prishtinë, paditëses i është refuzuar si e pa lejuar për shqyrtim ankesa e parashtruar të e paditura që i identifikohet me nr të protokollit 409/22, me pretendimin se këtu e paditura





ka mare ne konsiderate konstatimin e ekspertit shqyrtues, sipas te cilit kërkesa e paditësit për rishqyrtim është ushtruar jashtë afatit ligjor.

Po ashtu, Gjykata e Shkallës së Dytë konstaton se, pala propozuese pretendimet e saja nuk i ka mbështetur në prova, duke mos i prezantuar gjykatës asnjë provë të vetme si dhe duke mos propozuar marrjen e provave me të cilat do të vërtetohet pretendimi i propozuesit për dëm konkret, i cili vështirë do të riparohej, pra pala propozuese nuk e ka bërë të besueshme kërkesën e tij se ekzekutimi i vendimit do ti sillte dëm, po ashtu nuk e ka bërë të besueshëm as pretendimin se shtyrja e ekzekutimit të vendimit nuk është në kundërshtim me interesin publik, e as që do ti sillte ndonjë dëm palës kundërshtarë. I drejtë është konstatimi i Gjykatës së Shkallës së parë, se pikërisht lejimi i aktivitetit pa leje mjedisore është në kundërshtim me interesin publik, kur për një aktivitet të tillë kërkohet leja.

Duke i marrë parasysh pretendimet ankimore të propozueses – paditëses, në ankesë të cekura më lartë ndaj aktvendimit të shkallës së parë, kolegji vlerëson se të njëjtat janë jo të vërtetuara, të pamjaftueshme dhe jo bindëse për tu aprovuar ankesa.

Mbi këtë gjendje të fakteve kolegji gjen se gjykata e shkallës së parë, në mënyrë të drejtë ka vërtetuar gjendjen faktike dhe drejtë ka zbatuar dispozitat procedurale dhe materiale dhe nuk është cenuar ligji në dëm të ankuesit me rastin e refuzimit të propozimit për caktimin e masës së përkohshme dhe shtyrjes së ekzekutimit të vendimit dhe se pretendimet ankimore janë të pa ndikim për vendosje në mënyrë tjetër, andaj ankesa si e tillë refuzohet, ndërsa aktvendimi i ankimuar vërtetohet si i drejtë dhe i ligjshëm.

Nga sa u tha më lartë e në bazë të nenit 209 par.1 nën b) të LPK-së, të aplikueshëm sipas nenit 63 të LKA-së u vendos si në dispozitiv të këtij aktvendimi.

**GJYKATA KOMERCIALE E KOSOVËS**  
**DHOMA E SHKALLËS SË DYTË**  
**Kom.Dh.Shk.II.nr.47/2023, me datë 02.02.2022**

Kryetari i kolegjit-Gjyqtari  
Faton Bajrami, d.v

